श्रीहित चौरासी निगम अगोचर बात कहा कहीं अतिहि अनीखी। उभय मीत की प्रीति-रीति चोखी ते चोखी। वृन्दावन छिब देखि-देखि, हुलसत हुलसावत ॥ जल-तरंगवत् गौर-श्याम विलसत विलसावत॥ ललितादिक निज सहचरी, निरिख निरिख बलि जात नित। चौरासी हित पद कहे, चतुरन कौ यह परम वित्॥

जोई-जोई प्यारौ करै सोई मोहि भावै, भावै मोहि जोई सोई-सोई करें प्यारे। मोकों तौ भावती ठौर प्यारे के नैंनन में, प्यारौ भयौ चाहै मेरे नैंनन के तारे ॥ मेरे तन मन प्राण हूँ ते प्रीतम प्रिय, अपने कोटिक प्राण प्रीतम मोसों हारे। जै श्रीहित हरिवंश हंस-हंसिनी साँवल - गौर, कही कौन करै जल-तरंगनि न्यारे॥ प्यारे बोली भामिनी आजु नीकी जामिनी,

भेंट नवीन मेघ सौं दामिनी॥

मोंहन रसिक-राइरी माई, तासौं जु -

मान करै,ऐसी कौन कामिनी।

जै श्रीहित हरिवंश श्रवण सुनत प्यारी,

राधिकारमण सौं मिली गज-गामिनी॥

सुरत- जुद्ध जय जुत अति फूल । श्रम वारिज घनविन्दु वदन पर,

भूषण अंगहि अंग विकूल॥ कछु रह्यौ तिलक सिथिल अलकावलि,

कछु रह्या ।तलक ।सायल अलकावाल, वदन कमल मानौं अलि भूल।

जै श्रीहित हरिवंश मदन-रंग रॅंगि रहे,

नैंन-बैंन कटि सिथिल दुकूल॥

आजु तौ जुवति तेरौ, वदन आनन्द भर्यो, पिय के संगम के सूचत सुख चैंन। आलस वलित बोल, सुरंग रँगे कपोल, विथकित अरुण उनींदे दोऊ नैंन॥ रुचिर तिलक लेश किरत कुसुम केश, सिर सीमंत भूषित मानौं तैं न।

करुणाकर उदार राखत कछु न सार,

दसन-वसन लागत जब दैंन ॥

काहे कों दुरत भीरु, पलटे प्रीतम चीर,

बस किये श्याम सिखै सत मैंन।

गलित उरिस माल सिथिल किंकिनी जाल,

जै श्रीहित हरिवंश लता-गृह सैंन॥

आजु प्रभात लता-मंदिर में, सुख बरसत अति हरिष युगल वर। गौर-श्याम अभिराम रंगभरे, लटिक-लटिक पग धरत अवनि पर ॥ कुच-कुमकुम रंजित मालावलि, सुरत नाथ श्रीश्याम धाम धर।

गान करत मन हरत परस्पर । जै श्रीहित हरिवंश प्रशंस-परायन,

गायन अलि सुर देत मधुर तर॥

कौन चतुर जुवती प्रिया, जाहि मिलत लाल चोर है रैन। दुरवत क्योंऽव दुरै सुनि प्यारे, रंग में गहिले चैंन में नैन॥ उर नख-चंद्र विराने, पट अटपटे से बैन। जैश्रीहित हरिवंश रसिक राधापति, प्रमथित मैन।

गौर-श्याम भुज कलह मनोहर, नीवी-बंधन मोचत डोरी हरि-उर-मुकुर विलोकि अपनपौ,विभ्रम विकल मान-जुत भोरी चिबुक सुचारु प्रलोइ प्रबोधत,पिय प्रतिबिंब जनाय निहोरी नेति नेति बचनामृत सुनि-सुनि,ललितादिक देखत दुरि चोरी जै श्रीहित हरिवंश करत कर धूनन,प्रणयकोप मालावलि तोरी

अति ही अरुण तेरे नैंन नलिन री। 8 आलस जुत इतरात रँगमगे, भये निशि जागर मिषन मिलन री॥ सिथिल पलक में उठत गोलक गति, बिंधयौ मोहन मृग सकत चलि न री। जै श्रीहित हरिवंश हंस कल गामिनि, संभ्रम देत भ्रमरन अलिन री॥

बनी श्रीराधा-मोहन की जोरी। इन्द्रनीलमणि श्याम मनोहर, सातकुम्भ तन गोरी॥ भाल विशाल तिलक हरि कामिनि, चिकुर चंद्र बिच रोरी। गज-नायक प्रभु चाल गयंदनि, गति वृषभानु किसोरी॥ नील निचोल जुवति मोहन पट, पीत अरुण सिर खोरी। जै श्रीहित हरिवंश रिसक राधापति, सुरत रंग में बोरी॥

आजु नागरी-किशोर भाँवती विचित्र जोर, कहा कहीं अंग-अंग परम माधुरी। करत केलि कंठ मेलि बाहुदंड गंड-गंड, परस सरस रास-लास मंडली जुरी॥ श्यामसुन्दरी बिहार, बाँसुरी मृदंग तार, मधुर घोष नूपुरादि किंकिनी चुरी। जै श्री देखत हरिवंश आलि, निर्त्तनी सुधंग चाल, वारि फेर देत प्राण देह सौं दुरी ॥

सौरभयुत शीत अनिल मंदु गामिनी।

किसलय दल रचितं शैन, बोलत पियं चाटु बैनं, 11 मान सहित प्रतिपद प्रतिकूल कामिनी॥ मोहन मन मथत मार, परसत कुच-नीवि-हार, वेपथयुत नेति-नेति बद्त भामिनी। नरवाहन प्रभु सुकेलि, बहुविध भर भरत झेलि, सौरत रस रूप नदी जगत-पावनी ॥

चलिह राधिके सुंजांन, तेरे हिंत सुखं निधान,

रास रच्यौ श्याम तट कलिंद-नन्दिनी।

निर्त्तत युवती समूह, राग-रंग अति कुतूह,

बाजत रसमूल मुरलिका अनन्दिनी॥

वंशीवट निकट जहाँ, परम रमनि भूमि तहाँ,

सकल सुखद मलय बहै वायु मन्दिनी॥

जाती ईषद विकास, कानन अतिसय सुवास,

राका निशि सरद मास विमल चंदिनी॥

नरवाहन प्रभु निहारि, लोचन भरि घोष-नारि,

नख-सिख सौन्दर्य काम-दुख-निकन्दिनी।

विलसह भुज ग्रीव मेलि, भामिनी सुख-सिन्धु झेलि,

नव निकंज श्याम केलि,जगत-वन्दिनी॥

नन्दु के लाल हर्यों मन मोर।

हौं अपने मोतिन लर पोवत, काँकर डारि गयौ सिख भोर॥ बंक विलोकिन चाल छबीली,रिसक शिरोमिन नन्द किशोर। किह कैसें मन रहत श्रवन सुनि,सरस मधुर मुरली की घोर॥ इंदु गोविन्द वदन के कारन, चितवन कों भये नैंन चकोर।

(जेक्री)हित हरिवंश रिसक रस जुवती,तू लै मिल सखी प्रान अकोर॥

अधर अरुण तेरे कैसे कै दुराऊँ।

रवि सिस शंक भजन कियौ अपवस, अद्भुत रंगन कुसुम बनाऊँ सुभ कौसेय किसव कौस्तुभमिन, पंकज-सुतन लै अंगनु लुपाऊँ हरिषत इन्दु तजत जैसे जलधर, सो भ्रम ढूँढ़ि कहाँ हों पाऊँ अम्बुन दम्भ कछू नहीं व्यापत, हिमकर तपै ताहि कैसे कै बुझाऊँ (जेअ) हित हरिवंश रिसक नवरंग पिय, भृकुटी भौंह तेरे खंजन लराऊँ

अपनी बात मोसौं कहि री भामिनी,

औंगी मौंगी रहत गरव की माती।

हों तोसों कहत हारी, सुनिरी राधिका प्यारी, निशि कौ रंग क्यों न कहत लजाती॥

गलित कुसुम बैनी, सुनिरी सारंग-नैंनी,

छूटी लट अचरा बद्त अलसाती।

जुवति चलत गजगति अरुझाती॥

रहिस रमी छबीले, रसन वसन ढीले,

शिथिल कसनि कंचुकी उर राती।

सखी सौं सुनि श्रवन, वचन मुदित मन,

क्रिवंश भवन मुसिकाती

आजु मेरे कहे चलौ मृगनैंनी।

गावत सरस जुवति मंडल में, पिय सौं मिलें भलें पिकबैंनी परम प्रवीन कोक-विद्या में,अभिनय निपुन लाग गति लैनी रूपरासि सुनि नवल किशोरी,पल-पल घटत चाँदुनी रैनी क्षेत्री हित हरिवंश चली अति आतुर,राधारवन सुरत सुख दैनी रहसि रभस आलिंगन चुम्बन, मदन कोटि कुल भई कुचैनी

आजु देखि ब्रजसुन्दरी मोहन बनी केलि। अंस-अंस बाहु दै, किशोर जोर रूप रासि, मनौ तमाल अरुझि रही सरस कनक बेलि। नव निकुंज भ्रमर गुञ्ज, मंजु घोष प्रेम पुञ्ज, गान करत मोर पिकन अपने सुर सों मेलि। मदन मुदित अंग-अंग, बीच-बीच सुरत रंग, पल-पल हरिवंश पिवत नैन चषक झेलि।

(1

सुनि मेरौ वचन छबीली राधा। तैं पायौ रससिंधु अगाधा॥ तू वृषभानु गोप की बेटी। मोहनलाल रसिक हसि भेटी॥ जाहि बिरंचि उमापति नाये। तापै तैं वन-फूल बिनाये॥

जाहि बिरचि उमापति नाये। तापे ते वन-फूल बिनाये॥ जो रस नेति-नेति श्रुति भाख्यौ।ताकौ तैं अधर सुधारस चाख्यौ॥ तेरौ रूप कहत निहं आवै। (क्रिज़) हित हरिवंश कछुक जस गावै॥

तारा रूप प्रमुत गाष्ट्र आया (ज्ञश्ना)।हत हारपरा प्रमुप अस गाया।

खेलत रास रसिक ब्रज-मण्डन। जुवतिन अंस दिये भुज दण्डन॥ सरद विमल नभ चन्द्र विराजै । मधुर-मधुर मुरली कल बाजै॥ अति राजत घनश्याम तमाला। कंचन-बेलि बनी ब्रजबाला॥ बाजत ताल मृदंग उपंगा। गान मथत मन कोटि अनंगा॥ भूषन बहुत विविध रंग सारी। अंग सुधंग दिखावत नारी॥ बरसत कुसुम मुदित सुरयोषा। सुनियत दिवि दुंदुभि कल घोषा॥

(क्रिश्र) हित हरिवंश मगन मन श्यामा।राधारवन सकल सुख धामा॥

मोहन लाल के रस माती।

बधू गुपत-गोवत कत मोसौं, प्रथम नेह सकुचाती॥ देख सँभार पीत पट ऊपर, कहाँ चूनरी राती। टूटी लर लटकत मोतिन की, नख बिधु अंकित छाती॥ अधर-बिंब खंडित मिष मंडित, गंड चलत अरुझाती। अरुन नैंन घूमत आलस जुत, कुसुम गलित लटपाती॥ आजु रहसि मोहन सब लूटी, विविध आपुनी थाती। जैश्रीहितहरिवंश वचन सुनिभामिनि,भवन चली मुसिकाती।

तेरे नैंन करत दोऊ चारी।

अति कुलकात समात नहीं कहुँ, मिले हैं कुञ्जबिहारी॥ बिथुरी माँग कुसुम गिरि-गिरि परै, लटिक रही लट न्यारी। उर नख-रेख प्रगट देखियत है, कहा दुरावत प्यारी॥ परी है पीक सुभग गंडन पर, अधर निरंग सुकुमारी। (जैश्री)हित हरिवंश रसिकनी भामिनि,आलस अँग-अँग भारी॥

नैनन पर वारों कोटिक खंजन।

चंचल चपल अरुन अनियारे,

अग्रभाग बन्यौ अंजन॥

रुचिर मनोहर वक्र बिलोकन,

सुरत- समर-दल-गंजन।

(जैश्री)हित हरिवंश कहत न बनैं छिबि,

सुखसमुद्र-मन्रंजन॥

राधा प्यारी तेरे नैन सलोल। तें निज भजन कनक तन जोवन, लियौ मनोहर मोल॥ अधर निरंग अलक लट छूटी, रंजित पीक कपोल। तू रस मगन भई नहिं जानत, ऊपर पीत निचोल॥ कुच युग पर नख-रेख प्रगट मानौं, शंकर सिर सिस-टोल। (जैश्री)हित हरिवंश कहत कछु भामिनि,अति आलस सौं बोल।

आजु गोपाल रास रस खेलत,

पुलिन कल्पतरु तीर री सजनी।

सरद विमल नभ चन्द्र विराजत,

रोचक त्रिविध समीर री सजनी॥

चंपक बकुल मालती मुकुलित,

मत्त मुदित पिक कीर री सजनी॥

देसी सुधंग राग रॅंग नीकौ,

ब्रज-जुवतिन की भीर री सजनी॥

मघवा मुदित निसान बजायौ,

व्रत छाँड्यो मुनि धीर री सजनी।

(जैश्री)हित हरिवंश मगन मन श्यामा,

हरत मद्रन घन पीर री सजनी॥

ब्रज-जुवति-जूथ में रूप अरु चतुरई,

सील सिंगार गुन सबन तैं आगरी॥

कमल दक्षिण भुजा, वाम भुज अंस सखि

गावती सरस मिलि मधुर स्वर राग री

सकल विद्या विदित, रहिस हरिवंश हित,

मिलत नव-कुञ्ज वर श्याम बड़भाग री ॥



परम पावन पुलिन, भृंग-सेवित नलिन,

कल्पतरु तीर बलवीर कृत रासु री॥ सकल मंडल भलीं, तुम जु हरि सौं मिलीं,

बनी वर बनित उपमा कहीं कासु री।

तुम जु कंचन तनी, लाल मर्कत मनी,

उभय कल हंस हरिवंश बलि दासु री॥



किसलय सैन रचित सुख-पुञ्ज॥ 27 मंजीर मुरज डफ मुरली मृदंग। उपंग वीणा वर मुख चंग॥ बाजत अबीर। मलयज कुमकुम अगरसत सुरंगित चीर॥ बंदुन गावत सुन्दरि-हरि सरस धमार। पुलकित खग-मृग बहुत न वारि॥ (जैश्री)हित हरिवंश हंस हंसिनी समाज। ऐसे ही करौ मिलि जुग-जुग राज॥

राधे देखि वन की बात।

ऋतु बसन्त अनंत मुकुलित, कुसुम अरु फल पात॥ वेनु धुनि नंदलाल बोली, सुनि व क्यौं अरसात। करत कतव विलम्ब भामिनि, वृथा औसर जात॥

लाल मर्कतमिन छबीलौ, तुम जु कंचन गात। बनी श्रीहित हरिवंश जोरी, उभय गुन-गन-मात॥

ब्रेज नव तरुनि कदम्ब मुकुटमणि, श्यामा आजु बनी। नख-शिख लौं अँग-अंग माधुरी, मोहे श्याम धनी॥ यों राजत कवरी गूथित कच, कनक-कंज-वदनी चिक्र चंद्रिकन बीच अर्ध बिधु, मानौं ग्रसित फनी॥ सौभग रस सिर स्रवत पनारी, पिय सीमन्त ठनी। भुक्टि काम-कोदंड नैंन-सर, कज्जल रेख अनी॥

तरल तिलक ताटंक गंड पर, नासा जलज मनी। दसन कुन्द सरसाधर पल्लव, प्रीतम मन समनी चिबुक मध्य अति चारू सहज सखि, साँवल बिंदुकनी। प्रीतम प्रान रतन संपुट कुच, कंचुकि कसिब तनी॥ भुज-मृनाल बल हरत बलय जुत, परस सरस स्रवनी। श्याम सीस तरु मनु मिडवारी, रची रुचिर रवनी॥

नाभि गंभीर मीन मोहन मन, खेलन कौं हृदनी। कुस कटि पृथु नितम्ब किंकिनि व्रत, कदलि-खंभ जघनी॥ पद अम्बुज जावक जुत भूषन, प्रीतम उर अवनी। नव-नव भाय विलोभि भाम इभ, बिहरत वर करिनी॥

(जैश्री)हित हरिवंश प्रसंसत श्यामा, कीरत विशद घनी। गावत स्रवनन सुनत सुखाकर, विश्व दुरित दुवनी॥

30 देखत नवनिकुञ्ज सुनि सजनी, लागत है अति चारु।

माधविका केतकी लता लै, रच्यौ मदन आगारु॥ सरद मास राका निशि सीतल मंद-सुगन्ध-समीर।

परिमल लुब्ध मधुब्रत विथकित, नदत कोकिला - कीर॥

बहुविधि रंग मृदुल किसलय दल, निर्मित पिय सखि सेज।

भाजन कनक विविध मधुपूरित, धरे धरिन पर हेज॥

तापर कुसल किशोर-किशोरी, करत हास-परिहास। प्रीतम पानि उरज वर परसत, प्रिया दुरावत वास॥ कामिनि कुटिल भृकुटि अवलोकत, दिन प्रतिपद प्रतिकूल आतुर अति अनुराग विवस हरि, धाइ धरत भुज-मूल॥ नागर नीबी-बन्धन मोचत, ऐंचत नील निचोल। वधू कपट हठ कोप कहत कल, नेति-नेति मधुबोल॥

परिरम्भन विपरित रति वितरत, सरस सुरत निजुकेलि। इन्द्रनील मनिमय तरु मानौं, लसत कनक की बेलि॥ रतिरन मिथुन ललाट पटल पर, श्रमजल-सीकर संग। ललितादिक अंचल झकझोरत, मन अनुराग अभंग॥

जै श्रीहित हरिवंश यथामित बरनत, कृष्ण-रसामृत-सार। स्रवन सुनत प्रापक रति राधा, पद-अम्बुज सुकुमार॥

आजं अति राजत दुम्पति भोर।

सुरत रंग के रस में भीने, नागरि-नवल किशोर॥ अंसन पर भुज दिये विलोकत, इन्दुबदन विवि ओर। करत पान रस मत्त परस्पर, लोचन तृषित चकोर॥ छूटी लटन लाल मन करष्यौ, ये याके चित चोर। परिरम्भन-चुम्बन मिल गावत, सुर मंदर कलघोर॥ पग डगमगत चलत वन बिहरत, रुचिर कुञ्ज घनखोर। जै श्रीहित हरिवंश लाल-ललना मिलि, हियौ सिरावत मोर॥

आजुं वन क्रीड़त श्यामा-श्याम।

सुभग बनी निशि शरद चाँदनी, रुचिर कुञ्ज अभिराम॥ खंडन अधर करत परिरम्भन, ऐंचत जघन दुकूल। उर नख-पात तिरीछी चितवन, दंपति रस समतूल॥ वे भुज पीन पयोधर परसत, वामदृशा पिय हार। बसनन पीक अलक आकर्षत, समर-स्रमित सतमार॥ पल-पल प्रबल चौंप रस-लम्पट, अति सुन्दर सुकुमार। (जैश्री)हित हरिवंश आजु तृण टूटत, हों बलि विशद बिहार॥

आजु वन राजत जुगल किशोर।

नंदनँदन वृषभानु नन्दिनी उठे उनींदे भोर॥ डगमगात पग परत सिथिल गति, परसत नख-सिस-छोर। दसन-वसन खंडित मिष मंडित, गंड तिलक कछ थोर॥ दुरत न कच-करजन के रोके, अरुन नैंन अलि चोर। (जैश्री)हित हरिवंश सँभार न तन-मन, सुरत- समुद्र झकोर॥

वन की कुञ्जन-कुञ्जन डोलन।

निकसत निपट साँकरी बीथिन, परसत नाहि निचोलन॥ प्रात काल रजनी सब जागे, सूचत सुख दृग लोलन। आलसवन्त अरुण अति व्याकुल, कछु उपजत गति गोलन॥ निर्त्तन भृकुटि बदन अम्बुज मृदु, सरस हास मधु बोलन।



अति आसक्त लाल अलि लम्पट, बस कीने बिनु मोलन॥ बिलुलित सिथिल श्याम छूटी लट, राजत रुचिर कपोलन। रति विपरित चुम्बन परिरम्भन, चिबुक चारु टक टोलन॥ कबहुँ स्रमित किसलय सिज्या पर, मुख अंचल झक झोलन। दिन हरिवंश दासि हिय सींचत, वारिध केलि कलोलन॥

झूलत दोऊ नवल किशोर।

रजनी-जिनत रंग सुख सूचत, अंग-अंग उठि भोर॥ अति अनुराग भरे मिलि गावत, सुर मंदर कल घोर। बीच-बीच प्रीतम चित चोरत, प्रिया नैंन की कोर॥ अबला अति सुकुमार डरत मन, वर हिंडोर झकोर।

पुलिक-पुलिक प्रीतम उर लागत, दै नव उरज अँकोर। अरुझी विमल माल कंकन सौं, कुंडल सौं कच डोर। वेपथ जुत क्यों बनें विवेचत, आनंद बढ्यो न थोर॥ निरखि-निरखि फूलत ललितादिक,विवि मुख चन्द्र चकोर। दै असीस हरिवंश प्रसंसत, करि अंचल की छोर॥ आजं वंन नीकौ रास बनायौ।

पुलिन पवित्र सुभग यमुना-तट, मोहन बेनु बजायौ॥ कल कंकन किंकिनि नूपुर धुनि, सुनि खग-मृग सचु पायौ। जुवतिनु मण्डल मध्य श्याम घन, सारँग राग जमायौ॥ ताल मृदंग उपंग मुरज डफ, मिलि रस-सिन्धु बढ़ायौ। विविध विसद वृषभानुनन्दिनी, अंग सुधंग दिखायौ॥

अभिनय-निपुन लटिक लट लोचन,भृकुटि अनंग नचायौ ताताथेई ताथेई धरत नूतन गित, पित ब्रजराज रिझायौ सकल उदार नृपित चूड़ामणि, सुख-वारिद बरसायौ

परिरम्भन चुम्बन आलिंगन, उचित जुवतिजन पायौ बरसत कुसुम मुदित नभनायक, इन्द्र निसान बजायौ जैश्री हित हरिवंश रसिक राधापति,जस-वितान जग छायौ

चलिह किन मानिनि कुञ्ज कुटीर।

तो बिनु कुँवर कोटि बनिता-जुत, मथन मदन की पीर॥ गद-गद सुर विरहाकुल पुलिकत, स्रवत बिलोचन नीर। क्वासि-क्वासि वृषभानु नन्दिनी, बिलपत विपिन अधीर॥ वंशी विसिख व्याल मालावलि, पंचानन पिक कीर। मलयज गरल हुतासन मारुत, साखामृग-रिपु चीर॥ जैश्रीहित हरिवंश परम कोमल चित,चपल चली पिय तीर। सुनि भयभीत बज्र कौ पंजर, सुरत सूर रणधीर॥

बेगि चलिह उठि गहर करत कत,निकुञ्ज बुलावत लाल। हा राधा-राधिका पुकारत, निरित्व मदन गज ढाल॥ करत सहाय शरद शशि मारुत, फूटि मिली उर माल। दुर्गम तकत समर अति कातर, करिह न पिय प्रतिपाल॥ जैश्री)हित हरिवंश चली अति आतुर, स्रवन सुनत तेहि काल। लै राखे गिरि-कुच बिच सुन्दर, सुरत-सूर ब्रजबाल॥

खेल्यौ लाल चाहत रवन। रचि-रचि अपने हाथ सँवायों, निकुञ्ज भवन॥ रजनी सरद मंद्र सौरभ सौं, सीतल पवन। तो बिनु कुँवरि काम की वेदन, मेटव कवन॥ चलिह न चपल बाल-मृगनैंनी, तजिव मवन। जै श्रीहित हरिवंश मिलव प्यारे की,आरति-दुवन ॥

बैठे लाल निकु भवन।

रजनी रुचिर मल्लिका मुकुलित, त्रिविध पवन॥
तू सिख काम केलि मनमोहन, मदन दवन।

वृथा गहर कत करत कृसोदिर, कारन कवन॥

चपल चली तन की सुध बिसरी, सुनत श्रवन। जैश्रीहितहरिवंश मिले रस-लंपट,राधिका रवन॥

प्रीति की रीति रंगीलौई जानै।

जद्यपि सकल लोक चूड़ामणि, दीन अपनपौ मानै॥

यमुना पुलिन निकुञ्ज भवन में, मान मानिनी ठानै।

निकट नवीन कोटि कामिनि कुल, धीरज मनिह न आने॥

नस्वर नेह चपल मधुकर ज्यों, आन-आन सौं बानै। जैश्रीहित हरिवंश चतुर सोई लालहिं,छाँड़ि मैड़ पहिचानै॥

प्रीति न काहू की कानि विचारै।

मारग अपमारग विथकित मन, को अनुसरत निवारै॥ ज्यौं सरिता सावन जल उमगत, सनमुख सिन्धु सिधारै। ज्यौं नादिह मन दिये कुरंगन, प्रगट पारधी मारै॥ जै श्रीहित हरिवंश हिलग सारंग ज्यौं,सलभ सरीरहि जारै। नाइक निपुन नवल मोहन बिनु, कौन अपनपौ हारै॥

अति नागरि वृषभानु किशोरी।

सुन दूतिका चपल मृगनैंनी, आकर्षत चितवत चित गोरी। श्रीफल उरज कंचन-सी देही,किट केहिर गुण-सिंधु-झकोरी। बैंनी भुजंग चन्द्रसत बदनी, कदिल जंघ जलचर गित चोरी।

सुनि हरिवंश आज रजनी-मुख, बन मिलाइ मेरी निज जोरी। जद्यपि मान समेत भामिनी, सुनि कत रहत भली जिय भोरी।

चलि सुन्दरि बोली वृन्दावन।

कामिनि कण्ठ लागि किन राजिह, तू दामिनि मोहन नूतन घन॥ कंचुकि सुरंग विविध रंग सारी, नख-जुग-ऊन बने तेरे तन। ये सब उचित नवल मोहन कौं, श्रीफल कुच जोवन आगम-धन॥ अतिसय प्रीति हुती अन्तर गति,जै श्रीहित हरिवंश चली मुकुलित मन निविड़ निकुञ्ज मिले रस-सागर, जीते सत रतिराज सुरत रन॥

जिटित लवंग लिलत नासा पर, दसनाविल कृत कारी॥ श्रीफल उरज कसूँभी कंचुकि किस, ऊपर हार छिबि न्यारी। कुस कटि उदर गंभीर नाभिपुट, जघन नितम्बन भारी॥ मनौं मृनाल भूषन भूषित भुज श्याम अंस पर डारी। जै श्रीहित हरिवंश जुगल करिनी-गज बिहरत वन पिय-प्यारी॥

विपिन घन कुञ्ज रित केलि भुज मेलि रुचि, श्याम-श्यामा मिले शरद की जामिनी। हृदै अति फूल सम तूल पिय नागरी, करिनि-करि मत्त मनौं विविध गुन रामिनी सरस गति हास-परिहास आवेस बस, दलित दल मदन-बल कोक रस कामिनी। जै श्रीहित हरिवंश सुनि लाल लावन्य भिदे, प्रिया अति सूर सुख सुरत संग्रामिनी ॥

बन की लीला लालहिं भावै।

पत्न-प्रसून बीच प्रतिबिंबिहं, नख-सिख प्रिया जनावै॥ सक्च न सकत प्रगट परिरम्भन, अलि लम्पट दुरि धावै। संभ्रम देत कुलक कल कामिनि, रित-रण- कलह मचावै॥ उलटी सबै समुझि नैंनन में, अंजन रेख बनावै। जै श्रीहित हरिवंश प्रीति रीति बस, सजनी श्याम कहावै॥

भूषन-वसन विविध पहिरे तन, पिय मोहन हित साजु॥ हाव-भाव लावन्य भृकुटि लट, हरत जुवति-जन पाजु। ताल भेद औघर सुर सूचत, नूपुर किंकिणि बाजु॥ नव निकुञ्ज अभिराम श्याम सँग, नीकौ बन्यौ समाजु। जै श्रीहित हरिवंश विलास-रास जुत, जोरी अविचल राजु॥

देख सखी राधा पिय केलि।

ये दोऊ खोरि खिरक गिरि गहवर,बिहरत कुँवर कण्ठ भुज मेलि॥ ये दोऊ नवलिकशोर रूप निधि,विटप तमाल कनक मनौं बेलि। अधर अदन चुम्बन-परिरम्भन,तन पुलकित आनँद रस झेलि॥ पट-बंधन कंचुकि कुच परसत,कोप कपट निरखत कर पेलि। जै श्रीहित हरिवंश लाल रस लम्पट, धाइ धरत उर बीच सकेलि॥ नवलनागरि नवलनागर किशोर मिलि,

कुञ्ज कोमल कमल दलन सिज्या रची। गौर-साँवल अंग रुचिर तापर मिले,

सरस मिन नील मनों मृदुल कंचन खची॥

सुरत नीवी निबन्ध हेतु प्रिय मानिनी,

प्रिया की भुजनि में कलह मोहन मची।

सुभग श्रीफल उरज पानि परसत रोष, हुँकार गर्व दृग-भंगि भामिनी लची॥ कोक कोटिक रभस रहिस हरिवंश हित,

विविध कल माधुरी किमपि नाहिन बची।

प्रणयमय रसिक ललितादि लोचन चषक,

पिवत मकरंद सुख-रासि अंतर सची॥

दान दै री नवल किशोरी।

माँगत लाल लाड़िलौ नागर,प्रगट भई दिन-दिन की चोरी नव नारंग कनक हीरावलि,विद्रुम सरस जलज मनि गोरी पूरित रस पीयूष जुगल घट,कमल कदलि खंजन की जोरी तोपै सकल सौंज दामन की,कत सतरात कुटिल हग भोरी नूपुर रव किकिंनी पिसुन घर,जै श्रीहित हरिवंश कहत नहिं थोरी ब्रज नव तरुनि कदुंब नागरी,

निरिष्वि करत अधग्रीवाँ॥

जो कोऊ कोटि कलप लिंग जीवै, रसना कोटिक पावै।

तुऊ रुचिर वदुनारविंदु की,

शोभा कहत न आवै॥

देव-लोक भू-लोक रसातल,

सहज माधुरी अंग-अंग की,

कहि कासौं पटतरिये॥

जैश्रीहित हरिवंश प्रताप रूप गुण,

वय बल श्याम उजागर।

जाकी भू-विलास बस पशुरिव,

दिन विथकित रस सागर॥

देखौ माई अबला कै बल-रासि।

अति गज मत्त निरंकुश मोहन, निरिख बँधे लट-पासि॥ अब ही पंगु भई मन की गति, बिनु उद्दिम अनियास। तब की कहा कहीं जब पिय प्रति, चाहत भृकुटि विलास॥ कच संजमन व्याज भुज दरसत मुसिकन वदन विकास। हा-हरिवंश अनीत रीत हित, कत डारत तन लास॥

नयौ नेह नव रंग नयौ रस, नवल श्याम वृषभानु किशोरी। नव पीताम्बर नवल चूनरी, नई-नई बूँदन भीजत गोरी॥ नव वृन्दावन हरित मनोहर, नव चातक बोलत मोर-मोरी।

नव मुरली जु मलार नई गति, स्रवन सुनत आये घनघोरी॥ नव भूषन नव मकट बिराजन नई-नई उरप लेन थोरी-थोरी।

नव भूषन नव मुकुट बिराजत, नई-नई उरप लेत थोरी-थोरी। जै श्रीहित हरिवंश असीस देत मुख, चिरजीवौ भूतल यह जोरी।

आजु दोऊ दामिनि मिलि बहसी।

बिच लै श्याम घटा अति नूतन, ताके रंग रसी॥ एक चमिक चहुँ ओर सखी री, अपने सुभाय लसी। आई एक सरस गहनी में, दुहुँ भुज बीच बसी॥ अम्बुज नील उभय विधु राजत, तिनकी चलन खसी। जै श्रीहित हरिवंश लोभ भेंटन मन, पूरन सरद ससी॥

ऐसे ही रंग करौ निशि-वासर,

वृन्दाविपिन कुटी अभिराम॥

हास विलास सुरत रस सींचन,

पशुपति-दग्ध जिवावत काम।

जै श्रीहित हरिवंश लोल लोचन अलि,



करहु न सफल सकल सुखधाम॥

प्रथम यथामति प्रणऊँ, श्रीवृन्दावन अति रम्य। 57 श्रीराधिका कृपा बिनु, सबके मनन अगम्य॥ वर यमुनाजल सींचन, दिनहीं सरद-बसंत। विविध भाँति सुमनस के, सौरभ अलि-कुल मंत॥ अरुन नूत पल्लव पर, कूजत कोकिल कीर। निर्तन करत सिखीकुल, अति आनन्द अधीर॥ बहुत पवन रुचिदायक, शीतल-मंद सुगंधु। अरुन-नील-सित मुकुलित,जहाँ तहाँ पूषन-बन्धु॥

अति कमनीय विराजत, मन्दिर नवल निकुञ्ज। 57 सेवत सगन प्रीतिजुत, दिन मीनध्वज-पुञ्ज॥ रसिक-रासि जहाँ खेलत, श्यामा-श्याम किशोर। उभै बाह परिरंजित, उठे उनींदे भोर॥ कनक कपिस पट शोभित, सुभग साँवरे अंग। नील वसन कामिनि उर, कंचुकी करूँभी सुरंग॥ ताल रबाब मुरज डफ, बाजत मधुर मृदंग। सरस उकति-गति सूचत, वर बँसुरी मुख चंग॥

दोऊ मिलि चाँचर गावत, गौरी राग अलाप 57 मानस-मृग बल बेधत, भृकुटि धनुष दृग चाँप॥ दोऊ कर तारिनु पटकत, लटकत इत उत जात। हो-हो-होरी बोलत, अति आनँद कुलकात॥ रसिक लाल पर मेलत, कामिनि बंदन धरि। पिय पिचकारिनु छिरकत,तिक-तिक कुमकुम पूरि॥ कबहुँ-कबहुँ चन्दन तरु, निर्मित तरल हिंडोल। चढ़ि दोऊ जन झूलत, फूलत करत कलोल॥

वर हिंडोल झकोरन, कामिनि अधिक डरात। पुलिक-पुलिक वेपथ अँग, प्रीतम उर लपटात॥ हित चिंतक निज-चेरिनु, उर आनन्द न समात। निरिख निपट नैंनन सुख, तृण तोरत बलि जात॥ अति उदार विवि सुन्दर, सुरत सूर सुकुमार। जै श्रीहित हरिवंश करौ दिन, दोऊ अचल बिहार।

तेरे हित लैन आई, वन तें श्याम पठाई,

हरत कामिनि घन कदन काम कौ।

काहे कों करत बाधा, सुन री चतुर राधा,

भेटि कैं मेटि री माई प्रगट जगत भौ॥ देखि री रजनी नीकी, रचना रुचिर पी की,

पुलिन नलिन नभ उदित रोहिनी-धौ॥

तू तौऽव सखी सयानी, तैं मेरी एकौ न मानी, हों तोसों कहत हारी जुवति जुगति सौं॥ मोहन लाल छबीलौ, अपने रंग रंगीलौ, मोहत बिहंग पशु मधुर मुरली रौ।

ते तौऽव गनत तन जीवन जोवन तव,

जै श्रीहित हरिवंश हरि भजहि भामिन जौ॥

यह जु एक मन बहुत ठौर करि, किह कौनें सचु पायौ। जहाँ-तहाँ विपति जार-जुवती लौं, प्रगट पिंगला गायौ॥ द्वै तुरंग पर जोर चढ़त हठ, परत कौन पै धायौ। कहि धौं कौन अंक पर राखै, जो गनिका सुत जायौ॥ जैश्रीहित हरिवंश प्रपंच बंच सब, काल व्याल को खायौ। यह जिय जानि श्याम-श्यामा पद, कमल-संगी सिर नायौ॥

कहा कहीं इन नैनन की बात

ये अलि प्रिया-वदन-अम्बुज रस, अटके अनत न जात॥ जब-जब रुकत पलक सम्पुट लट, अति आतुर अकुलात। लंपट लव निमेष अन्तर तें, अलप कलप सत सात॥ श्रुति पर कंज हगंजन कुच बिच, मृगमद है न समात। जैश्रीहितहरिवंश नाभि-सर-जलचर, जाँचत साँवल गात॥

आज़ सखी वन में ज़ बने प्रभु, नाचत हैं ब्रजमंडन। वैस किशोर जुवति अंसन पर, दिये विमल भुज दंडन॥ कोमल कुटिल अलक सुठि शोभित, अवलम्बित युग गंडन। मानहुँ मधुप थिकत रस-लम्पट, नील कमल के खंडन॥ हास-विलास हरत सबकौ मन, काम समूह विहंडन। जै श्रीहित हरिवंश करत अपनौं जस, प्रगट अखिल ब्रह्मण्डन॥

खेलत रास दुलहिनी दूलहु।

सुनहु न सखी सहित लिलतादिक, निरिख-निरिख नैंनन किन फूलहु॥ अति कल मधुर महा मोहन धुनि,

उपजत हंस सुता के कूलहु॥

थेई-थेई वचन मिथुन मुख निसरत,

सुनि-सुनि देह दशा किन भूलहु ॥

मृदु पदन्यास उठत कुंकुम रज, अद्भुत बहत समीर दुकूलहु। कबहुँ श्याम श्यामा दसनांचल, कच-कुच हार छुवत भुजमूलहु॥

अति लावन्य रूप अभिनय गुन,

नाहिन कोटि काम समतूलहु। भृकुटि विलास हास रस बरसत,

जै श्रीहित हरिवंश प्रेम रस झूलहु॥

मोहन मदन तिभंगी। मोहन मुनि-मन-रंगी।

मोहन मुनि सघन प्रगट परमानन्द, गुन गंभीर गुपाला। सीस किरीट श्रवण मणि-कुण्डल, उर मंडित वनमाला॥ पीताम्बर तन-धातु विचित्रित, कल किंकिनि कटि चंगी। नख-मिन तरिन चरन सरसीरुह, मोहन मदन त्रिभंगी॥

मोहन बेनु बजावै। इहि रव नारि बुलावै।

आईं ब्रज नारि सुनत वंशी-रव, ग्रह पति बंधु बिसारे दरसन मदन गुपाल मनोहर, मनसिज ताप निवारे। हरिषत वदन बंक अवलोकन, सरस मधुर धुनि गावै मधुमय श्याम समान अधर धरि, मोहन बेनु बजावै।

रास रच्यौ वन माहीं। विमल कलपतरु छाहीं।

विमल कलपतरु तीर सुपेसल, शरद रैन वर चन्दा।

शीतल-मंद-सुगंध पवन बहै, तहाँ खेलत नंदनन्दा॥ अद्भुत ताल मृदंग मनोहर, किंकिनि शब्द कराहीं।

यमुना पुलिन रिसक रस-सागर, रास रच्यौ वन माहीं॥

देखत मधुकर केली। मोहे खग मृग बेली।

मोहे मृग-धेनु सहित सुर-सुन्दरि, प्रेम मगन पट छूटे उड़्गन चिकत थिकत शिशमंडल,कोटि मदन मन लूटे अधर पान परिरंभन अति रस, आनँद मगन सहेली जै श्रीहित हरिवंश रिसक सचु पावत, देखत मधुकर केली

बेनु माई बाजै वंशीवट।

सदा बसंत रहत वृन्दावन, पुलिन पवित्र सुभग यमुना तट॥ जिटत क्रीट मकराकृत कुण्डल, मुख अरविन्द भवर मानों लट। दसनन कुंद कली छबि लज्जित, सज्जित कनक समान पीत पट॥ मुनि मन ध्यान धरत नहिं पावत, करत विनोद संग बालक भट। दास अनन्य भजन रस कारन, जै श्रीहित हरिवंश प्रगट लीला नट॥

मदन-मथन घन निकुञ्ज खेलत हरि,

राका रुचिर शरद रजनी।

यमुना पुलिन तट, सुर तरु के निकट,

रचित रास चलि मिलि सजनी॥

बाजत मृदु मृदंग नाचत सबै सुधंग,

तें न श्रवन सुन्यौ बेनु बजनी।

जै श्रीहित हरिवंश प्रभु राधिका रवन मोकौं,

भावै माई जगत भगत-भजनी॥

बिहरत दोऊ प्रीतम कुञ्ज।

अनुपम गौर-श्याम तन शोभा, वन बरसत सुख पुञ्ज॥

अद्भुत खेत महा मनमथ कौ, दुंदुभि भूषन-राव।

जूझत सुभट परस्पर अँग-अँग, उपजत कोटिक भाव॥

भर संग्राम स्रमित अति अबला, निद्रायत कल नैंन।

प्रिय के अंक निसंक तंक तन, आलस जुत कृत सैन॥

लालन मिस आतुर पिय परसत, उरू नाभि उरजात। अद्भुत छटा विलोकि अवनि पर, विथकित वेपथ गात॥ नागरि निरिख मदन-विष व्यापत, दियौ सुधाधर धीर। सत्वर उठे महा मधु पीवत, मिलत मीन मिव नीर॥ अबही मैं मुख मध्य बिलोके, बिंबाधर सु रसाल। जाग्रत ज्यौं भ्रम भयौ पर्यो मन, सत मनसिज कुल जाल॥

सकृदिपि मिय अधरामृत मुपनय, सुन्दिर सहज सनेह। तव पद-पंकज कौ निज मंदिर, पालय सखि मम देह॥ प्रिया कहत कहु कहाँ हुते पिय, नवनिकुञ्ज-वर-राज। सुन्दर वचन रचन कत बितरत, रति-लंपट बिनु काज॥



तें श्रवन मत्न मानिनि मख अन्तर रहां

इतनों श्रवन सुनत मानिनि मुख, अन्तर रह्यौ न धीर। मति कातर विरहज दुख व्यापत, बहुतर स्वाँस समीर॥

मात कातर विरहज दुख व्यापत, बहुतर स्वास समार॥ जै श्रीहित हरिवंश भुजन आकर्षे, लै राखे उर माँझ।

मिथुन मिलत जु कछुक सुख उपज्यौ, तृटि लवमिव भई साँझ॥

मृगज लोचन उबटि अंग शिर खोरी॥

गंड पंडीर मंडित चिकुर चंद्रिका,

मेदिनी कवरि गूँथित सुरँग डोरी श्रवन ताटंक के चिबुक पर बिंदु दे,

कसूभी कंचुिक दुरे उरज फल कोरी ॥

बलय कंकन दोत नखन जावक जोत,

उदर गुन रेख, पट नील, कटि थोरी।

सुभग जघन स्थली कुनित किंकिनि भली,

कोक संगीत रस-सिंधु झक झोरी॥

विविध लीला रचित रहिस हरिवंश हित,

रसिक सिरमौर राधा रवन जोरी।

भृकुटि निर्जित मदन मंद सस्मित वदन,

किये रस विवस घन स्याम पिय गोरी॥

रास में रसिक मोहन बने भामिनी। 68 सुभग पावन पुलिन सरस सौरभ नलिन, मत्त मधुकर निकर शरद की जामिनी॥ त्रिविध रोचक पवन ताप दिनमनि दवन, तहाँ ठाढ़े रवन संग सत कामिनी। ताल बीना मृदंग सरस नाचत सुधंग, एक तैं एक संगीत की स्वामिनी॥

राग रागिनि जमी विपिन बरसत अमी, अधर बिंबन रमी मुरलि अभिरामिनी। लाग कट्टर उरप सप्त सुर सौं सुलप लेति सुंदर सुघर राधिका नामिनी॥ तत्त थेई थेई करत गतिव नूतन धरत, पलटि डगमग ढरति मत्त गज गामिनी। धाइ नवरंग धरी उरिस राजत खरी, उभय कल हंस हरिवंश घन दामिनी॥

मोहिनी मोहन रंगे प्रेम सुरंगे,

मत्त मुदित कल नाचत सुधंगे। सकल-कला प्रवीन, कल्यान रागिनी लीन, कहत न बनै माधुरी अंग-अंगे॥

तरिन-तनया तीर, तिविध सखी समीर,

मानौं मुनि-व्रत धर्यो कपोती कोकिला कीर। नागरि-नवकिशोर, मिथुन मनसि चोर, सरस गावत दोऊ मंजुल मन्दर घोर॥

कंकन-किंकिनि धुनि, मुखर नूपुरन सुनि,

जै श्रीहित हरिवंश रस बरसे नव-तरुनि॥

फूली फिरत मत्त करिनी ज्यों,

सुरत- समुद्र झकोरी॥

आलस बलित अरुन धूसर मिष,

प्रगट करत हग चोरी।

पिय पर करुन अमी रस बरसत,



अधर अरुनता थोरी॥

देत असीस निरखि जुवतीजन, जिनकै प्रीति न थोरी।

जै श्रीहित हरिवंश विपिन भूतल पर,

संतत अविचल जोरी॥

71

श्याम सँग राधिका रासमण्डल बनी।

बीच नंदलाल ब्रजबाल चंपक बरन,

ज्योंव घन तड़ित बिच कनक-मर्कतमनी॥ लेत गति मान तत्त थेई हस्तक भेद,

सरेगमपधनियेसप्तसुर नादनी।

71

निर्त्त रस पहिर पट नील प्रकटित छबी

बदन जनु जलद में मकर की चाँदनी॥

राग-रागिनि तान मान संगीत मत, थिकत राकेश नभ शरद की जामिनी।

जै श्रीहित हरिवंश प्रभु हंस कटि केहरी,

दुरि कृत मदन मद मत्त गजगामिनी॥

सुन्दर पुलिन सुभग सुखदायक।

नव-नव घन अनुराग परस्पर,

खेलत कुँवर नागरी नायक॥

शीतल हंससुता रस बीचिन,

परिस पवन सीकर मृदु बरसत।

वर मन्दार कमल चंपक कुल,

सौरभ सरस मिथुन मन हरसत॥

सकल सुधंग विलास परावधि,

नाचत नवल मिले सुर गावत।

मृगज मयूर मराल भ्रमर पिक,

अद्भुत कोटि मदन सिर नावतः।

निर्मित कुसुम सयन मधु पूरित,

भाजन कनक निकुञ्ज विराजत ॥

रजनी-मुख सुख-राशि परस्पर,

सुरत समर दोऊ दल साजत

खंजन मीन मृगज मद मेटत,

कहा कहीं नैंनन की बातें।

सुनि सुन्दरी कहाँ लौं सिखई, मोहन वसीकरन की घातें॥

बंक निसंक चपल अनियारे,

अरुन श्याम सित रचे कहाँ तैं।

डरत न हरत परायौ सर्बसु,

मृदु मधु मिव मादिक हग पातैं॥

नैंकु प्रसन्न दृष्टि पूरन करि, नहिं मोतन चितयौ प्रमदा तैं।

जै श्रीहित हरिवंश हंस कल-गामिनि,

भावे सो करहु प्रेम के नातें॥

काहे को मान बढ़ावत है, बालक मृग लोचिन। 74 हों व डरिन कछु कहि न सकत,

इक बात सकोचिन।

आतुर विट विरहज दुख मोचिन ॥

मत्त मुरलि अंतर तव गावत,

जागृत सैंन तवाकृति सोचिन। (जै श्री) हित हरिवंश महा मोहन पिय,

हीं जु कहत इक बात,

सखी! सुनि काहे कौं डारत।

प्रान रवन सौं क्यौंऽव करत,

आगस बिनु आरत॥ पिय चितवत तव चन्द्रवदन तन,

तू अध मुख निज चरन निहारत।

वे मृदु चिबुक प्रलोय प्रबोधत, त् भामिनि कर सौं कर टारत॥

विवस अधीर विरह अति कातर,

सर-औसर कछुवै न बिचारत। जै श्रीहित हरिवंश रहिस प्रीतम मिलि,

तृषित नैन काहे न प्रतिपारत ॥

नागरी निकुञ्ज ऐन किसलय दल रचित सैन (76 कोक-कला-कुशल कुँवरि अति उदार री।

सुरत रंग अंग-अंग हाव भाव भृकुटि भंग,

माधुरी तरंग मथत कोटि मार री॥

मुखर नूपुरन सुभाव किंकिनी विचित्र राव,

विरमि-विरमि नाथ बदत वर बिहार री। लाड़िली किशोर राज हंस-हंसिनी समाज,

सींचत हरिवंश नयन सुरस सार री॥

लटकत फिरत जुवति रस फूली।

लताभवन में सरस सकल निशि, पिय सँग सुरत-हिंडोरे झुली जद्यपि अति अनुराग रसासव, पान-विवस नाहिन गति भूली आलस-वलित नैंन बिगलित लट, उर पर कछुक कंचुकी खूली मरगजी माल सिथिल कटि बंधन,चित्रित कज्जल पीक दुकूली जैश्री हित हरिवंश मदन-सर जर जर ,विथिकित श्याम सजीवन मूली

वदनचन्द्र मनौं तृषित चकोरी॥

तान बन्धान मान में नागरि,

देखत श्याम कहत हो-हो री।

जै श्रीहित हरिवंश माधुरी अँग-अँग,

बरबस लियौ मोहन चित चोरी॥

रहिसि-रहिस मोहन पिय के सँग री,

लड़ेती अति रस लटकत।

सरस सुधंग अंग में नागरि,

थेई-थेई कहत अविन पद पटकत॥

कोक कला कुल जानि शिरोमनि,

अभिनय कुटिल भृकुदियन मटकत।

विवश भये प्रीतम अलि लंपट,

निरिख करज नासापुट चटकत॥

गुन गन रसिक राइ चूड़ामनि,

रिझवत पदिक हार पट झटकत।

जै श्रीहित हरिवंश निकट दासी जन,

ेलोचन-चषक रसासव गटकतः॥

बल्लवी सुं कनकं-बल्लरी तमालं श्यामं संग, लागि रही अंग-अंग मनोभिरामिनी। वदन जोत मनौं मयंक अलक तिलक छिबि कलंक, छपत श्याम अंक मनौं जलद दामिनी॥ बिगत-बास हेम खम्भ मनौं भुवंग बेनी-दंड, पिय के कण्ठ प्रेम-पुञ्ज कुञ्ज कामिनी। जै श्री शोभित हरिवंश नाथ साथ सुरत आलसवंत, उरज कनक कलस राधिका सुनामिनी॥

नन्दनन्दन मनिस मोद उपजावै॥

अधर बंधूक दसन कुंद चमकावै।

प्रथम मज्जन चारु चीर कज्जल तिलक,

स्रवन कुण्डल वदन चन्द्रन लजावै।

सुभग नक बेसरी रतन हाटक जरी,

वलय कंकन चारु उरिस राजत हारु, कटिव किंकिनि चरन नूपुर बजावै। हंस कल गामिनी मथत मद कामिनी, नखन मदुयंतिका रंग रुचि द्यावै॥ निर्त सागर रभस रहिस नागरि नवल, चन्द्र-चाली विविध भेदन जनावै।


81

कोक विद्या विदित, भाइ अभिनय निपुन, भ्र-विलासन मकरकेतन नचावै॥ निविड़ कानन भवन, बाहु रंजित रवन, सरस आलाप सुख-पुञ्ज बरसावै।

उभय संगम सिंधु, सुरत पूषन-बन्धु,

द्रवत मक्रन्द (श्री) हरिवंश अलि पावै ॥

नागरता की राशि किशोरी। नव नागर कुल-मौलि साँवरौ, बरबस कियौ चितै मुख मोरी॥ रूप रुचिर अँग-अंग माधुरी, बिनु भूषन भूषित ब्रज गोरी छिन छिन कुशल सुधंग अंग में, कोक रभस रस-सिन्धु झकोरी॥



83

चटत पल-पल सुभग शरद की जामिनी,

भामिनी सरस अनुराग दिस ढरिबौ॥

हों जु कछु कहत निजु बात सुनि मान सखि,

सुमुखि बिनु काज घन विरह दुख भरिबौ।

मिलत हरिवंश हित कुञ्ज किसलय सयन,

करत कल केलि सुख-सिंधु में तरिबौ॥





श्रीहित चौरासी - फलस्तुति भव-जल-निधि कौ नाव, काम-पावक कौ पानी। प्रेम-भक्ति की मूल, मोद मंगल सुखदानी॥ निगम सार सिद्धान्त, सन्त विश्राम मधुर वर। रसिकन कौ रस - सार, सकल अक्षर रस कौ घर॥ चौरासी हरिवंश कृत, पढ़ें सुनै निशि-भोर।

छुटि चौरासी भ्रमन तें, निरखै जुगल किशोर ॥1॥

श्रीहित चौरासी - फलस्तुति निरखै जुगल किशोर भोर अरु रैन न जानै। पियै रूप रस मत्त भयौ कछू मनहिं न आनै॥ प्रेम लक्षणा भक्ति होइ हिय आनन्द कारी। अरु वृन्दावन वास सखी सुख के अधिकारी॥ कुंज महल की टहल सुख, दंपति संपति पाई है। (जैश्री) रूपलाल हित प्रीति सौं जो चौरासी गाइ है ॥ 2॥

श्रीहित चौरासी - फलस्तुति

छः पद विभास माँझ, सात हैं विलावल में, टोड़ी में चतुर, आसावरी में द्वै बने।

सप्त हैं धनाश्री में, जुगल बसंत केलि,

सारंग में षोडस हैं,चार ही मलार, एक-

षट् कल्यान, निधि, कान्हरे, केदारे, वेद

वाणी हितजू की सब, चौदह राग में गने॥

देवगंधार पंच- दोइ,रस सौं सने ॥

गौड़ में सुहायौ, नव गौरी रस में भने।

